

চাকরিপ্রার্থীর কাছে মুঠোফোনে অর্থ দাবির অভিযোগে যশোর বিজ্ঞান ও প্রযুক্তি বিশ্ববিদ্যালয়ের (যবিপ্রবি) রেজিস্ট্রার দপ্তরের জনসংযোগ শাখার উপপরিচালক মো. হায়াতুজ্জামানকে সাময়িক বরখাস্ত করা হয়েছে। গত সোমবার যবিপ্রবি উপাচার্য অধ্যাপক ড. আনোয়ার হোসেনের অনুমতিক্রমে রেজিস্ট্রার প্রকৌশলী আহসান হাবীবের স্বাক্ষরিত অফিস আদেশে এ তথ্য নিশ্চিত করা হয়। এই ঘটনায় তিন সদস্যের একটি তদন্ত কমিটি গঠন করা হয়েছে। কমিটির সদস্যরা হলেন জিন প্রকৌশল ও জৈব-প্রযুক্তি বিভাগের শিক্ষক অধ্যাপক ড. নাজমুল হাসান, ইন্ডাস্ট্রিয়াল প্রডাকশন ইঞ্জিনিয়ারিং বিভাগের চেয়ারম্যান সহযোগী অধ্যাপক ড. মুজাহিদুল হক ও পরীক্ষা নিয়ন্ত্রক আমিনুল হক।